

Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu allaaqutit ilumut naammaginatarmut isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimut periutsinik ineriartortitsisoqarsinnaaneraniq periarfissaqarnerisooq ersarissaasoqarnissaa anguniarlugu Naalakkersuisut Rigsmyndighed attaveqarfigissagaa pillugu Inatsisartut aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit)

Akissuteqaat

(Meeqqanut, Inuusuttunut Ilaqutariinnullu Naalakkersuisooq)

Siullermeerneqarnera

Siunnersuuteqartumut, Anna Wangenheim, Demokraatit, qujanaq.

Kalaallit Nunaanni namminermi kiisalu Danmarki suleqatigalugu kalaallit Danmarkimi najugaqartut kinaassusersiorfigineqannginnissaat ukkatarissagippat pingaaruteqarpoq. Tamanna Naalakkersuisunut pingaaruteqartorujussuuvoq, taamaattumillu 2022-mi augustimi Isumaginninnermut Utoqqarnullu ministeri, Astrid Krag, kingullermik ministeri tikeraarmat qallunaat angajoqqaatut piginnaasanik misissuineri aamma sammeneqarpoq.

Danmarkimi Isumaginninnermut Utoqqarnullu ministereqarfik suleqatigalugu kalaallinut Danmarkimi najugaqalersimasunut pissutsit politikikkut allaffissornikkullu siunertaqarluni pisumik sammeneqarput. Kinguneqartussamik oqaloqatigiinneq taanna Naalakkersuisut ingerlateqqikkusuppaat. Oqaloqatigiinnermi assigiinngisitsineq oqaatsitigut kulturikkullu assigiinngissuteqarneq tunngavigalugu pisoq oqaaseqatigiiliornikkut oqaasertalerneqarpoq, iliuseqartoqarnissaalu kajumissaarutigineqarpoq.

Danmarkimisut angajoqqaatut piginnaasanik misissuinerit Kalaallit Nunaanni atunngilagut. Kalaallinut atatillugu ilaasumik angajoqqaatut piginnaasat misissornerisa naliliiffiginissaanut kulturimut misikkarissunik periutsinik ineriartortinnissaanut ilusiliussamik pereersup assinganik soqanngilaq. Periutsip taamaattup ineriartortinnissaa pisariuvoq, ukiumillu qulikkaanik sivilissuseqassalluni.

Danmarkimi kalaallit angajoqqaat ilaasa ajorluartumik assigiinngisitsinermik pineqarneranni angajoqqaatut piginnaasat misissornerinut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atornerisigut pakkerneqarsimaarneqarsinnaasoq, Naalakkersuisut isumaqarput. Kalaallit kulturiat kalaallillu oqaasii tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuineersut ilisimassavaat. Danmarkimi angajoqqaatut piginnaasanik misissuinerit allannguuteqarnissaat sukkasuumillu angajoqqaanut kalaallinut allannguinnissamik aaqqiissuteqarniarneq taanna iliuseqarnissamik siunertaqarpoq. Kalaallit kulturiannut oqaasiinullu ilisimasaqarluartut tarnip pissusiinik ilisimasallit sulisullu isumaginninnerup tungaatigut ilinniagallit atornerarnerata paatsuuisinnaanerimut annikinnerulersitsissaaq, meeqqallu pisariaqartitaasa pitsaanerpaamik isumagineqarnissaat qulakkeerlugu.

Tamanna tunuliaqutsiullugu Naalakkersuisut allannguutissatut ima siunnersuuteqarput:

”Maannakkut angajoqqaatut piginnaasanik misissuisarnernut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atornerisigut kulturikkut oqaatsitigullu naammaginartumik isiginiarneqarnerussanersut qulaajaaffiginissaa siunertaralugu Naalagaaffiup Oqartussaasuinut saaffiginnittoqarnissaanik Naalakkersuisut peqquneqarnissaat pillugu Inatsisartut aalajangiiffisassaattut siunnersuut. Piaarnerpaamik kalaallit angajoqqaat misissorneqarnerinut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atornerarnerat aallarteqqullugu Naalagaaffiup Oqartussaasui kajumissaarneqarput”.